

Cullittivu di sustegnu à i dritti di i populu palestinesu

*Muzioni dipusitata in prifittura di Corsica
u 10 ghjinnaghju 2009*

L'uparazioni militara minata sarà da trè settimane da u Statu d'Israeli in u rughjoni di Gaza ci rivolta. Ogni ghjornu chi passa significheghja di più motri è di più ferti, pà a forza parti civili, à u cuntrariu di ciò ch'eddu accerta u guvernu israelianu.

St'offensiva veni dopu à un bloccu impostu da tanti anni à un milionu è mezzu di parsoni chi càmpani in Gaza.

Numarusissimi urganizzazioni d'aiutu umanitariu, di sviluppu è di difesa di i dritti di l'omu, Mèdichi senza fruntieri, agenzia di l'ONU incaricati di i rifughjati palestinesi. Cumitatu internaziunali di a Croci Rossa, Cumitatu Catolicu contr'à a fami è pà u sviluppu, Federazioni internaziunali di i leghi di i dritti di l'omu, OXFAM..., testimunièghjani oghji di a listessa situazione di spaventu è chjàmani à l'aiutu.

Da parti soia, u Hamas cuntinueghja à mandà missili in u sud d'Israeli. Si sta violenza contr'à civili hè una violazioni di i Cunvinzioni di Ginevra, nienti ùn po ghjustificà l'impegnu massicciu è micidiali di l'esèrcitu israelianu.

Com'è tutti i drama chi succèdini in Orienti Vicinu, a situazione attuale s'arradicheghja in u riettu chi a vittima n'hè u populu palestinesu. Rimidià à l'inghulia cutidiana ch'eddu subisci stu populu palestinesu. Rimidià à l'inghulia cutidiana ch'eddu subisci stu populu imponi di sbandiscia l'imputenza.

Ciò chi succede oghji in Gaza è in i tarritoria occupati ci cuncerna tutti simpliciamenti par via chi a nostra cuscenza ci pruibisci di stà zitti.

U cumitatu di sustegnu à i dritti di u populu palestinesu chi ragruppa associi, sindacati è partiti pulitichi* hà dicitu di ripiglià a parola.

Vulemu bulià i nostri voci cù quiddi chi nel mondu dumàndani, in prima locu è d'urgenza, ch'eddi cissèssini i cumbattimenti in traccia.

Dinuncemu l'attitudina di i Stati Uniti chi si fàcini complici di u Statu d'Israeli fendu valè u so drittu di veto à l'ONU.

Intarpillemu u Prisidenti Sarkozy.

Di fronti à u drama chi si passa à i nostri ochja, calchi ori d'arrestu di i cumbattimenti è l'apertura di un curridor umanitariu so risposti dirisorii. Un si tratta micca d'assistà unu statu di guerra ma di falla finita. Tocca dunqua ad agi sùbitu è senza falsità.

Esigimu chi u guvernu francesu purtessi à i Nazioni Unite una risuluzioni impunendu un cessati u focu ! sùbitu è u sbloccu sottu pena di sanzioni, u rititu di i forzi israeliani fora di Gaza è a stallazioni di una forza di prutizzioni.

Di pettu à i gravi dannighjati à i dritti di l'omu ch'eddi subiscini i Palestinesi, esigimu di u governu francesu è di l'Unioni europea ch'eddi suspindissini l'accordu d'associu cù u Statu d'Israeli è qualunqua cuperazioni militara cun eddu.

Esigimu di a cummunità internaziunali ch'edda fessi rispittà i so propii risuluzioni chi so a basa di un regulamentu di u cunflittu, particularmenti cù criazioni di unu Statu palestinesu di piena suvranità nant'à l'insemu di i tarritoria occupati.

A strada di a paci, di una paci ghjusta è duratoria, si cunnosci : hè u drittu internaziunali.

Hè ora, à la purfini, d'imponalu.

* Culletivu di sustegnu à i dritti di u populu palestinesu

- ACST (ass. cult. et sport. des Tunisiens)
- A Filetta
- ASCM (ass. sport. et cult. des Marocains)
- Association des étudiants étrangers de l'Université de Corse
- Association des Marocains de Corse-du-sud et de Haute-Corse
- Avà Basta
- Canta u populu corsu
- CFDT Corsica
- CGT de Corse-du-sud
- Cinqui So
- Diritti Païsanu
- Federazione di l'eletti
- FSU de Corse-du-sud et de Haute-Corse
- Insemu per Aiacciu
- I Verdi corsi
- Ligue des Droits de l'Homme
- Manca naziunale
- PCF de Corse-du-sud
- Per a pace
- PNC
- SGEN-CFDT de Corse-du-sud et de Haute-Corse
- STC
- UNSA Corse
- U Taravu